

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Disp. I. De natura virtutis

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DISPUTATIO PRIMA

DE NATVRA VIRTUTIS.

Ad Quæstionem 55. Divi Thomæ.

Cum natura cuiuscumque rei ex ipsius ratione generica & differentiali constet; ut natura virtutis plenè immotescat, ejus genus ac differentia breviter hic explicanda sunt.

ARTICULUS PRIMUS.

Quodnam si genus remotum, & proximum virtutis?

Virtutis nomen multipliciter usurpari solet: Primo pro perfectione cuiuscumque rei, mediate vel immediate ad operandum ordinata quomodo robur & sanitas virtutes dicuntur. Secundo pro re immediate ad operandum ordinata, sic qualitates celorum, quibus influunt in actis inferiora, potentia animæ, & hujusmodi, celorum & animalium virtutes dicuntur. Tertio, pro objecto, & effectu alicuius facultatis, in quo sensu Aristoteles i. de cœlo cap. 11. vocat eam, *utimum potentia*; & Joel 2. dicitur: *Fides & vinea dederunt virtutes suas*. In eodem sensu miracula in Scriptura dicuntur virtutes, quia sunt effectus specialis & extraordinariæ facultatis. Demum virtus sumitur pro quadam dispositione & facultate superaddita potentiarum humanarum, easque perficiente ad attingendum operationem bonam, ut tales. Et hec est propria acceptio virtutis, de qua in presenti agimus, ejusque genus remotum & proximum investigamus. Hoc præmisso, sit

§. I.

Dificultas proposita duplci conclusione resolvitur.

Dico primò: Virtus non est in genere relationis, sed qualitatis. Est contra Scotum in 1. dist. 17. quæst. 2. ubi docet virtutem non esse relationem, sed relationem prædicamentalem conformitatis ad rationem, aut coniunctionis cum prudentia.

Probatur primò ex hac definitione virtutis communiter recepta, quam adducit D. Thomas hic art. 4. *Virtus est bona qualitas mentis, quæ relè vivitur, quâ nullus male utitur, quam Deus in nobis sine nobis operatur*. Ex quibus constat, quod qualitas est genus remotum virtutis, & ita virtus est in genere qualitatis, & non in genere relationis. Unde Augustinus lib. 1. de morib. Ecclesiæ cap. 6. dicit virtutem esse sapientis animi qualitatem.

Probatur secundò ratione: Virtus est quadam perfectio potentiarum superaddita in ordine ad operationem, quasi ipsam inclinans & facilitans ad operandum in determinata materia,

A ut patet ex dicendis articulo sequenti: Sed omnis perfectio potentia superaddita, in ordine ad operationem, est qualitas; nullum enim aliud accidens ordinatur ad operationem, præter qualitatem, maximè vero relatio prædicamentalis, qua operativa non est: Ergo virtus non est in genere relationis, sed in genere qualitatis.

Probatur tertio, destruendo præcipuum Scotti fundamentum, & ostendendo virtutem non constitui per relationem prædicamentalem, conformitatis ad rationem, vel prudentiam. Quod præsupponit virtutem in sua essentia constitutam, non constituit eam: Sed relatio prædicamentalis, quam virtus dicit ad rationem, vel prudentiam, supponit virtutem iam constitutam: Ergo eam non constituit. Major patet, Minor probatur. Prius intelligitur fundamentum relationis habitus virtutis ad prudentiam, quam ipsa actualis relatio: Sed ubi primò concipiatur tale fundamentum, intelligitur virtus jam in sua essentia constituta: Ergo &c. Minor probatur: quia quod hic habitus fundet relationem virtutis ad prudentiam, quam alius non fundat, non potest aliunde provenire, nisi quia est habitus bonus, conformis ipsi prudentiæ; in qua conformitate sita est essentia virtutis moralis.

Quod explicatur magis: Relatio prædicamentalis quam dicit virtus moralis ad prudentiam, est relatio tertii generis, fundata in relatione transcendentali dependentia mensuræ abiliad mensuram: quam proinde necessariò supponit, quia relatio prædicamentalis supponit suum fundamentum: Sed per illam habitudinem transcendentalem constituitur sufficienter habitus in esse virtutis moralis; siquidem per hoc distinguitur à ceteris habitibus, qui à prudentia non dependent: Ergo &c.

Dico secundò, virtutem esse essentialiter habitum, illumque habere pro genere proximo. Est etiam contra Scotum citatum, ubi afferit virtutem subjectivè tantum & de materiali importare habitum, eique accidere, sicut habitus accidentis potentia quam afficit.

Probatur primò ex Aristotele in prædicamentis cap. de qualitate, ubi virtutes constituit sub genere habitus. Et 2. Ethic. cap. 5. postquam ostendit virtutem non esse potentiam, nec actum seu affectionem, concludit esse habitum, dicens: *Si ergo virtutes neque affectus sunt, neque facultates, habitus necessariò sunt*.

Probatur secundò ex D. Thoma hic art. 4. 6. ubi sic habet: *Genus virtutis qualitas est, differentia autem, bonum: est effet tamen convenientior definitio, si loco qualitatis habitus poneretur, qui est genus propinquum*.

Probatur tertio: *Virtus est sub genere qualitatis*, 7

tatis, tanquam sub genere supremo, ut conclusione praecedenti ostendimus: Sed quod continetur sub supremo genere qualitatis, debet esse sub aliquo proximo genere illius praedictum: Ergo cum virtus non sit sub genere potentiae, passionis, formae, vel figurae, debet esse in genere habitus.

8. Probatur quartum conclusio ratione D. Thomae hic art. 1. Habitus est dispositio determinans subjectum ad bene vel male operandum; sic enim scientia, & alia dispositiones ordinis physici, tum intellectus, tum voluntatis, sunt habitus essentialiter: quia cum subjectum, v.g. intellectus, sit indifferens ad bene vel male operandum, seu ad attingendum verum vel falsum, scientia determinat ipsum ad operandum bene, non male, & ad attingendum verum, non falsum: Sed virtus est dispositio determinans subjectum ad bene operandum; cum illud compleat & determinet ad eliciendum actum ex se difficultem, conformiter ad rationem: Ergo est habitus essentialiter.

9. Confirmatur: Quæ dividunt & contrahunt per se, id est per proprias differentias essentialies aliquam rationem communem, participant illam ut rationem genericam; sic dicimus quod equus & homo participant rationem animalis, tanquam proprium genus, quia eam dividunt per differentias sui constitutivas: Sed virtus & vitium dividunt & contrahunt per se rationem communem habitus: Ergo illam participant ut rationem genericam. Major patet, Minor probatur. Ratio communis habitus est disponere subjectum ad bene vel male operandum: Ergo cum ex contractione ad virtutem, habeat bene disponere; & ex contractione ad vitium, male disponere, signum est quod virtus & vitium per se dividunt & contrahunt rationem habitus.

10. Respondebat Scotus, negando habitum esse qualitatem disponentem rem ad bene vel male operandum, subindeque per se dividit per bene vel male operari: quia (inquit) habitus per se tantum respicit actum, secundum esse physicum, cui nulla ut sic competit bonitas vel malitia determinata; sed comparatur ad illas, sicut subjectum ad sua accidentia, putat sicut homo ad albedinem & nigredinem.

Sed contra: Cum de ratione habitus sit complete potentiam ad vincendam difficultatem quam experitur in actu, debet inclinare per se primum ad id quod magis difficile est in actu: At illud non est entitas physica, sed restitudo & bonitas moralis: Ergo habitus per se primum inclinat ad bonitatem moralem. Major est certa, Minor probatur. Entitas physica actus procedens v.g. ab appetitu sensitivo, non superat facultatem potentiae appetitiva, cum sit eiusdem ordinis cum illa; at si consideretur secundum bonitatem moralem & restitudinem, importat aliquid pertinens ad potentiam superiorum, nempe ad rationem cui conformatur, quod excedit vires appetitivæ, à quo immediate procedit: Ergo illud quod in actu est magis difficile, non est entitas physica, sed bonitas moralis, & restitudo rationis.

11. Denique suaderi potest conclusio, convolendo præcipuum Scotti fundatum. Ideo enim allerit habitum se habere tantum materialiter & tanquam subjectum ad virtutem, quia existimat quemlibet habitum ex natura sua esse indif-

ferentem ad bonitatem, per quam formaliter constituitur virtus, vel ad malitiam, qua effectione virtutis: Sed hoc falsum est: Ergo &c. Minor probatur: Nam primum si sit sermo de habitibus supernaturalibus, & insulis, hi cum sint supernaturales, & operantur supernaturaliter, non possunt non respicere determinate bonitatem. Idem patet de habitibus intellectualibus, nempe de sapientia & scientia: hi enim sunt determinati ad verum attingendum, quod est bonus intellectus, nec ullum dicunt ordinem ad falsum. Idem ostenditur de habitibus moralibus, & specialiter de prudentia; neque enim potest negari, hanc, cum sit regula bonitatis moralis, dicere intrinsecum ordinem ad solam bonitatem: nam si ex propria ratione talem ordinem non importaret, deberet illum participare ab alio habitu, vel principio extrinseco, de quibus posset queri, an habeant ex se ordinem ad bonitatem, vel ab alio illum munuerint? Si hoe secundum, dabitur processus in infinitum: si primum, habemus intentum, nempe quod debet habitus ex sua intrinseca ratione bonus, & consequenter qui non se habeat solam subjectivæ ad virtutem, sed qui participetur intrinseca virtute, sicut ratio superior generica ab interiori.

§. II.

Solvuntur objectiones.

O Bjicies primò contra primam conclusiōnem authoritatem Philosophi, qui 7. Phys. 12. sic. textu 17. ait: *Virtus autem omnia & vitium ad aliquid sunt. Ex quo infert ad virtutem non dari per se motum, qui tamen datur ad qualitatem: Ergo ex Aristotele virtus non est in genere qualitatis, sed relationis.*

Respondeo Aristotelem vocasse virtutem ad aliquid, non quod sit relatio praedicamentalis, sed quia est relatio secundum dici, & fundat relationem praedicamentalem, sicut ab hac relatione denominatur relativa. Ex quo legime infert, ad eam non dari motum alterius, de quo ibi loquitur: quia motus ille terminatur ad solas qualitates tertiaræ speciei, scilicet ad passionem & patibilem qualitatem.

Objicies secundò contra secundam conclusiōnem: Idem habitus potest amittere rationem virtutis, & inducere rationem vitii, vel contra: Ergo comparatur ad virtutem & ad vitium, sicut subjectum ad alias formas accidentiales, non vero sicut genus ad suas species. Consequentia patet, Antecedens vero probatur primum. Idem erat habitus Iudei offerens sacrificia ante mortem Christi, & post ejus mortem:

E Sed talis habitus ante mortem Christi, vigente adhuc lege Mosaica, erat vera religio, post mortem vero Christi, & cessationem legalium, est vitium superstitionis, prudentia ipsum non regulante: Ergo idem habitus potest amittere rationem virtutis, & inducere rationem vitii. Major probatur: Quia Iudeus eadem facilitate offert sacrificia post Christi mortem, ac ante: Ergo signum est, quod remanet idem habitus.

Secundò probatur Antecedens: Qui elicet actus indeliberatos circa materiam temperantia, acquireret habitum inclinatorem ad actus circa eandem materiam elicendos cum deliberatione & dictamine prudentia: Sed ille habitus primo

primo non esset virtus, ex defectu deliberationis, bene tamen postea, adveniente deliberatione & dictamine prudentiae, quia esset principium actuum deliberatorum, & conformium dictaminis prudentiae: Ergo idem habitus transire potest a non esse virtutis ad esse virtutis.

¹⁴ Respondeo negando Antecedens. Ad cuius primam probationem, nego Majorem, quia naturatur habitus. Et ad probationem in contrarium dico, facilitatem, quia Iudeus offert sacrificia post mortem Christi, & legis Mosaica cessationem, non procedere per se ab habitu religionis quem antea habebat, sed solum per accidens, in quantum scilicet per actus elicitos ex precedenti habitu removit impedimenta, quae possent retardare oblationem sacrificiorum post mortem Christi & legalium cessationem. Quod explicari potest in haeretico, qui ubi pertinaciter erravit discredendo unum fidei artis, eum, puta praesentiam corporis Christi in Sacramento, non minus facile videtur assentiri aliis articulis, ac ante, & tamen certum est, hanc facilitatem non provenire ex influxu fidei, ex quo prius oriebatur, utpote quam amplius non habet: Oportet ergo quod proveniat ex remotione impedientium, facta per precedentes actus fidei.

Ad secundam probationem dicendum, ex artibus indeliberatis nullum habitum generari: quare si aliquis post actus indeliberatos, sapienter repetitos circa materiam temperantiae, sentiret maiorem aliquam facilitatem ad veros actus temperantiae, hac facilitas non esset ex aliquo praecquisito habitu, sed ex sola impedientium remotione facta per actus illos indeliberatos.

¹⁵ Objicies tertio: Ita se habet ratio virtutis ad habitum, sicut bonitas moralis ad actum in esse physico: Atqui haec comparatur ad substantiam physicam actus, sicut accidens ad subjectum: Ergo illa ad habitum. Major probatur: Ideo bonitas moralis actus est accidentalis entitatis, quia esse morale supponit esse physicum in quo fundatur, & ordo physicus est distinctus a ordine morali: Atqui etiam ratio virtutis pertinet ad genus moris, & ratio habitus ad ordinem physicum: Ergo ita se habet ratio virtutis ad habitum, sicut bonitas moralis ad actum in esse physico.

¹⁶ Respondeo negando Majorem: quia habitus per se primò dantur & inclinant ad actum & objectum, prout simili habent moralitatem; immo per se primò inclinant ad ipsam moralitatem in actu virtuoso attingendam: unde cum haec habiendo sit prima, debet consequenter esse essentialis. At vero in artibus tendentia ad objectum in esse moris non est prima, sed supponit aliam tendentiam ad objectum in esse physico. Unde ad probationem in contrarium respondeo, quod quamvis esse morale, quod est formaliter tale, supponat entitatem physicam, quia esse morale superinducitur entitati naturali ab agente moraliter, non tamen esse morale, quod est tale solum causaliter & virtualiter: est autem haec differentia inter actum & habitum virtuosum, quod in illo reperitur esse morale formaliter ut tale, non autem in isto, qui sicut non est formaliter liber, ita nec est formaliter moralis: quare non ideo dicitur moralis, quasi in eo existat formaliter moralitas, sed quia est causa moralitatis, & eam virtute conti-

A net. Quia ergo illud quod est virtualiter tale, non distinguitur ab eo quod est formaliter tale, sicut calor virtualis Solis non distinguitur a luce, ideo moralitas habitus, quæ est tantum virtualis, non debet distingui ab entitate physica, nec pertinet ad genus moris, nisi reductive, quatenus est principium moralitatis. Et hujus rei exemplum habemus in esse artificioso, prout reperitur in artibus, seu effectibus, & prout reperitur in habitu artis: nam secundum priorem rationem pertinet formaliter ad genus artificiale, & ideo præsupponit aliquam entitatem naturalern in qua fundatur; secundum posteriorem verò non pertinet ad genus entis artificialis, sed ad ordinem naturæ; & ita non præsupponit aliquam entitatem tanquam fundamentum, sed pertinet ad primam & substantiam entitatem aëris. Aliam solutionem adhibent Salmanticensis, sustinendo quod moralitas reperitur etiam formaliter in habitu: sed ista videtur melior & facilior.

ARTICULUS II.

An virtus humana sit habitus operativus, & que sit ratio ex parte actus, ad quam per se concurreat?

¹⁷ Durandus, Aureolus, & alii antiqui Theologi, negant habitum virtutis influere adiuvare in operationem, & voluntad illam solum dispositioni passivam ipsius potentiae. Alii vero Theologi communiter docent habitum virtutis simul cum potentia efficienter influere in ipsum actum: sed quia multa rationes in eo reperiuntur, nempe entitas & substantia physica, bonitas moralis, modulus intentionis seu radicationis in subiecto, facilias & promptitudo, adhuc difficultas est & controversia inter Autores, quid ex his virtus per se attingat in actu? Gofredus enim quodlib. 9. qu. 4. existimat habitum virtutis non concurrere nisi ad intensiōnem actus, confortando potentiam, & adjuvando illam ut fortius & intensius operetur. Vazquez autem & Montesino assertunt concurrere solum ad modum facilitatis; Suarez vero ad moralitatem, non vero ad facilitatem, quam dicit non esse modum in actu, sed puram denominationem extrinsecam, provenientem à potentia per habitum completa, & facile operante. Alii denique assertunt, habitum virtutis influere in omnia quæ reperiuntur in actu virtuoso. Ita Capreolus, Cajetanus, Martinez, & communiter Thomista.

§ I.

Duplici conclusione utraque difficultas resolvitur.

¹⁸ Ideo primò, virtutem humanam esse habitum operativum, simulque cum potentia in actu virtutis influere. Ita D. Thomas art. 2. ubi sic concludit: *Et ideo de ratione virtutis humanae est, quod sit habitus operativus.* Idem docet D. Augustinus libro de bono conjugali, ubi virtutem ait esse habitum quo aliquid agitur. Item Cicero lib. 1. de natura Deorum, vocat virtutem actus. Demum Patroclus apud Homerum Iliadem 31. Achillem objurgat, quod virtus in eo nihil

hilageret: O virtute quidem & nullius praedita frugis, quasi contra virtutis naturam sit, non ut illa ad operandum, seu esse sterilem ac infecundam. Unde Ambrofus lib. de Isaac cap. 7. virtutis propriam esse fecunditatem, vitii econtra sterilitatem; indeque sumnam virtutis pulchritudinem ac speciem, vitii autem deformitatem existere demonstrat in hunc modum: Speciosa secunditas est bonorum operum, contraria enim speciositati sterilitas; quantiam qui privatur specie vel decore, in eo est malum; quod autem malum, hoc sterile & infecundum. Cuius rei quod evidenter judicium quam natura est? Terra eten que bona est, fertili atque secunda; que autem mala, ea jejuna atque steriles; quae vero fertiles, hec decora. Quid enim pleno agro pulchrius, cum seges fluctuat, cum poena rutilant, vel cum uarum ferta dependent, aut bacca onusta olea curve cedit, vel viridiani gramine montium vertices, & vallum humili vestiuntur? Confirmat hoc nonnullis Scripturæ locis, tum concludit: Liquet igitur, decorum id esse quod secundum, indecorum quod infecundum. Similis est causa animæ soli, quia ea decora anima, que secunda sit meritis, secunda consilii; ea indecora, que steriles infirmitate. Constat igitur ex SS. Patribus virtutem, habitum operativum esse, neque illam, ut bellè quidam ait, lyra quam nemo unquam tangat, vel gladio, qui nunquam è vagina eximatur, similem esse, aut navis quæ ad profectio nem adornata, portu semper consitatis.

Ratio etiam suffragatur: Perfectio enim potentia ut activa non potest non esse activa. Sed virtus humana seu moralis est perfectio potentia ut activa: Ergo operativa est. Major pater: nam perfectio debet esse juxta naturam rei perfectibilis; unde perfectio potentia activa debet ad lineam activi pertinere. Minor vero siadetur: tum quia virtus moralis perficit potentiam in ordine ad suum finem, nempe operationem: tum etiam quia virtus moralis, cum sit habitus mensuratus per regulas rationis, debet perficere potentiam ad vivendum secundum rationem: unde cum vivere dicat actum secundum seu operationem, virtus moralis perficit potentiam ad operandum, subindeque est perfectio potentia ut activa.

Confitatur: Virtus est potentia ratio agendi; Ergo est activa. Consequentia patet, Antecedens probatur. Illud dicitur ratio agendi respectu potentia, cui assimilatur effectus procedens à potentia; sed actus virtuosus procedens à potentia, assimilatur virtuti; nam dicit eadem tendentiam, & sub eadem ratione ad objectum, quam virtus: Ergo virtus est potentia ratio agentis.

Dico secundò, virtutem moralem concurre ad omnes rationes, tam physicas, quam morales, repertas in actu: cum hac tamen differentia, quod per se primò concurrit ad bonitatem moralē, tanquam ad rationem producram, & ad facilitatem, tanquam ad complementum & modum ipsius, ita ut de formali per se attingat utrumque; ad entitatem vero physicam ipsius præcise sumptam non concurrit per se, bene tamen ut substratum bonitati morali, ejusque facilitati.

Probatur prima pars conclusionis: Potentia & habitus virtutis moralis indivisi concurrunt ad actu, quia efficiunt unicum principium, ex facultate naturali & complemento ipsius constitutum; unde habitus virtutis moralis debet

A priùs in ipsa potentia recipivit aliter, ad hoc us det ipsi facile & delectabiliter operari, antequam ipsa operetur, & consequenter dat illi facilitatem ad totum actum: Ergo habitus virtutis moralis concurrit ad omnes rationes, tam physicas quam morales, repertas in actu virtutis. Consequentia patet: nam si influxus potentiae & habitus sit indivisus ex parte principii, erit etiam iudicibus ex parte termini.

Deinde siadetur eadem pars, impugnando in particulari tres sententias oppositas supra relatæ. Et in primis quod habitus virtutis non habeat solum concurre ad intentionem actus, pater: qui stat potentiam habere habitum, & tamen non habere actum intensorem, sed minus intensum; habitibus enim utimur quando & quomodo volumus.

Deinde, quod non concurrat ad solum facilitatem actus, probatur: Tum quia non potest intelligi concurre ad facilitatem, nisi hoc ipso concurrat ad substantiam actus, & moralitatem, nam ideo habitus concurrit ad facilitatem actus, quia reddit actum facilem potentiam; ideo autem reddit actum facilem, quia datur potentia virtutem completam ad speciem tam physicam, quam moralem; si enim potentia esset secundum se adhuc completa, facile illum producet, ut patet de illis actibus ad quos non indiger habitus: tum etiam quia actus est per se effectus habitus in omni ea ratione in qua illi assimilatur: Sed non assimilatur in sola facilitate, sed etiam in specie & tendentia ad objectum, Ergo, &c.

Tertio quod habitus virtutis concurrat ad ipsum modum facilitatis, ex eo pater quod habitus est potentia faciliter & delectabiliter operari. Nec valet si dicas, facilitatem in actu virtutem non esse modum, sed puram denominationem extrinsecam, provenientem à potentia per habitum completa, & faciliter operante. Nam quod facilitas sit modus intrinsecus, quo actus redditur facilis, docet expressè S. Thomas in I. dist. 17. quest. 2. art. 4. ubi sic ait: In actu animæ est plura considerare, scilicet speciem, & modum, & effectum. Et explicans hunc modum subdit: Modus autem quem ponit habitus in opere, est facilitas & delitatio, ut dicit Philosophus 2. Ethicorum.

Secunda vero pars conclusio, quæ alterit virtutem per se primò concurre ad bonitatem moralē, tanquam ad rationem producram, & ad facilitatem, tanquam ad complementum & modum ipsius, ostenditur quod utrumque. Quod primum quidem ex Aristotele, & D. Thoma: Aristoteles enim 2. Ethic. cap. 5. dicit potentias esse per quas sumus potentes irasci vel miseri, sed habitus, quibus bene vel male. Et D. Thomas in 4. dist. 49. quest. 1. art. 2. quæsiunc. 2. ad 2. In actu (inquit) duo sunt considerare, scilicet substantia actus, & forma ipsius à qua perfectionem habet: actus ergo secundum suos tantum principia est naturalis potentia, sed secundum formam suam principium est ejus habitus.

Deinde probatur ratione: Ad illud per se primò concurrit habitus virtutis moralis, ad quod producentum potentia naturalis indiget talis habitus, ut constat ex ipsis terminis: Sed potentia naturalis indiget habitu virtutis moralis ad producendum actuum moraliter bonum, sive ad causandam in actu bonitatem moralē, potentia quippe naturalis secundum se est tantum potens producere actu, quantum ad substantiam,

stantiam, ut autem ipsum producat quantum ad bonitatem moralern, indiget habitu virtutis moralis, ex influxu rationis causato: Ergo habitus virtutis moralis per se primo concurredit ad bonitatem moralern actum, tanquam ad rationem productam;

Quod vero per se concurredit ad facilitatem, tanquam ad complementum & modum ipsius, manifestum videtur. Nam in hoc differt vis potentie superioris communicata inferiori per modum transuentis, ab ea qua communicatur per modum habitus, seu forma completa, constitutus principium perfectum & con naturale actum, quod prima non tollit difficultatem, secunda vero inducit facilitem & delectabilitatem: Ergo habitus virtutis moralis, per se primo concurredit ad facilitatem conjunctam bonitatem moralern actum, tanquam ad complementum & modum ipsius bonitatis; ita ut de formalis & per se attingat utramque.

Tertia denique pars, quae dicit habitum virtutis moralis non efficere per se entitatem actus virtuosi, sed solum per accidentem & secundariem, in quantum scilicet est substrata bonitati morali, ejusque facilitati, probatur primo ex Aristotele 2. Ethic. cap. 5. dicente, potentia esse per quam sum potentes traxi & misereri, sed habitus, quibus bene vel male: ubi Aristoteles redidicit influxum habitus solum in bonitatem vel malitiam actus, nequaquam vero in substantiam & entitatem: Idem docet D. Thomas in 4. dist. 49. quest. 1. art. 2. quæstituic. 2. ubi etiam attribuit totam substantiam actus soli potentiae, formam vero, nempe bonitatem habitui, ut constat ex verbis que supra retulimus:

Probatur secundum eadem pars ratione fundamentali: Habitum solum influit per se in id quod vires potentiae excedit: Sed entitas physica actus virtuosi non excedit vires potentiae: Ergo habitus virtutis moralis & acquisitionis, non influit per se in entitatem physicam actus virtuosi, sed per accidentem tantum & secundariem, in quantum scilicet talis entitas est substrata bonitati morali, ejusque facilitati. Major patet: nam ut ait D. Thomas quest. sequenti art. 6. Cum per habitum perficiatur potentia ad agendum, ibi indiget potentia habitu perficiente ad bene agendum, ubi ad hoc non suffici propria ratio potentiae. Minor vero suadetur: Actus enim v.g. potentiae irascibilis est concupisibilis, secundum instrumentum physicam consideratus, nihil aliud dicit quam passionem appetitus sensitivi, ut praeditum ab ordine rationis: Atqui passio illa sic sumpta, nihil habet quod excedat vires potentiae elicitivae; vel quod participet ex altiori potentiae: cum vires deamus hujusmodi potentias in brutis elicere similes actus passionum, & sapientia magis intensos, quamvis non sit in eis potentia superiora qua dependant. Adde quod in qualibet actu debet assignari aliquid per se correspondens potentiae elicitivae, quod aliud esse non potest, quam entitas physica: Ergo, &c;

§. II.

Solvuntur objectiones.

Objectiones primæ contra primam conclusiō: 28. nem: Effectus causæ equivoca non produc effectum similēm sua causæ; sicut quia omne generabile est effectus Solis, nullum generabile potest producere effectum ejusdem rationis cum Sole: Sed actus moralis est causa equivoca virtutis, cum non sint ejusdem speciei rationis: Ergo virtus non causat actum moralē, subindeque non est habitus operatus.

Respondeo concessā Majori, negando Mi- 29. notem: actus enim moralis non est propriæ causa equivoca habitus; quia causa equivoca est principalis, actus autem non causat habitum principaliter, sed instrumentaliter, scilicet quantum ad permanentiam, in qua habitus excedit actum, quamvis sit causa principalis secundum tendentiam quam habitus dicit ad objectum, cum secundum hanc rationem sit ejusdem speciei cum illo. Habitū ergo & actus quantum ad aliquid sunt causa univoca, & quantum ad aliud causa instrumentales: si enim considererunt quantum ad tendentiam ad objectum, cum sit ejusdem speciei in utroque, secundum hanc tendentiam sunt causæ univocæ, & sic non implicat actum causam tendentiam in habitu, & habitum similiter tendentiam in actu; sicut non repugnat filium genitum generare alium patrem suum. Si vero spectentur quantum ad diversum modum quo participant hujusmodi tendentiam ad objectum, sunt libi causa instrumentales & principales, secundum diversam rationem: nam habitus dicit hanc tendentiam per modum permanentis, in quo excedit actum, qui eam solum partcipat per modum transuentis, econtra vero actus ex alio capite eam importat per modum actus secundi, & ultime actualitatis; & secundum hanc rationem excedit habitus, qui eam solum habet per modum actus primi; & sic actus instrumentaliter solum, & ut virtus potentiae superioris, produc similem habitum, ut hic dicit tendentiam permanentem; & habitus etiam instrumentaliter similem actu, ut actus importat tendentiam per modum ultima actualitatis. Præterea habitus ut dicit tendentiam permanentem, produc principaliter, seu, ut causa principalis, actu, ut hic importat tendentiam transuentem, econtra vero actus, ut dicit ultimam actualitatem, produc principaliter habitum, in quantum iste importat solum rationem actus primi.

Objectiones secundæ: Si habitus virtutis concūrit 30. actus cum potentia ad producendum actu, vel concurredit ut duas causas totales, vel ut partiales? Non primum, quia plures causæ totales non concurredit ad eundem numerō effectum: nec secundum, quia causa partialis nequit se sola producere effectum quem causat cum consortio alterius; potentia autem se sola potest producere actu quem causat, cum habitu virtutis: Ergo, &c.

Respondeo, habitus & potentiam in ratione causæ non ponere in numero, nec esse plures causas, atque adeo neque propriæ totales, neque partiales, sed potentiam se habere ut causam, & habitum ut complementum, ex quo & potentia

S I 2 consur-

DISPUTATIO PRIMA

- 324
- consurgit unica causa completa: ita idem posse potentiam se sola, quod cum habitu, sed cum habitu complete & perfecte, sine illo autem incomplete & imperfecte.
32. Objicies tertio: Virtus habet solum disponere potentiam ad agendum: Ergo non concurret effectivè ad actum. Consequentia probatur: Complexio enim, seu temperamentum corporis, sanitas, & alia similia, disponunt potentiam operativam ad actus virtutis, & tamen non concurrent effectivè: Ergo nec virtus.
33. Respondeo negando Consequentiam, & patitatem: Virtus enim potentiam operativa disponit per se, directe, & positivè, tanquam perfeccio illam intrinsecè determinans & compleans ad operandum: complexio vero, sanitas, & alia hujusmodi, per accidens tantum, & indirecte disponunt potentias operativas, removendo solum prohibens, non autem influendo in actum: unde non mirum si effectivè non concurrat cum potentia ad actum virtutis, sicut virtus.
34. Objicies quartò contra secundam conclusionem: In actibus vitiōs nihil est per se correspondens habitibus vitorum, sed totum quod est in illis correspondet voluntati: Ergo etiam in actibus virtutis nihil est per se correspondens habitibus virtutum, sed totum in ipsam potentiam reduci debet. Consequentia manifesta videtur ex paritate rationis. Antecedens probatur: ad entitatem enim & intentionem actus vitiōs sufficit innata virtus voluntatis, motione divinā applicata. Idem videtur dicendum de malitia morali, & facilitate ipsius: quia haec non excedunt vim defectivam voluntatis; per hoc enim quod est ex nihilo, potest in infinitum, & maxima facilitate seipsa deficere: Ergo in actibus vitiōs nihil est per se correspondens habitibus vitorum, sed totum quod est in illis correspondet voluntati.
35. Respondeo negando Antecedens: In actibus enim vitiōs est aliquid per se correspondens habitibus vitorum, cum proportione ad ea que dista sunt de actibus virtutum. Unde habitus cuiuscumque vitiī concurrat ad omnes rationes, tam physis, quam morales, repertas in actu vitiōs; cum hac differentia, quod per se primò concurrat ad malitiam moralem, tanquam ad rationem productam, & faciliterem, tanquam ad complementum & modum ipsius, ita ut de formalī & per se attingat utrumque; ad entitatem vero physicam ipsius, praeceps sumptam, non concurrat per se, bene tamen ad illam ut substratum malitiae morali, ejusque facilitati. Unde ad probationem in contrarium dicendum, quod ad entitatem & intentionem physicam actus vitiōs sufficit innata virtus voluntatis, divinā motione applicata, si talis entitas & intensio praeceps sumatur, ut sunt in ordine physico; ad malitiam vero moralem, & ad facilitatem ipsius, non sufficit innata virtus voluntatis, sed requiritur ad haec habitus vitiōs: quamvis enim voluntas ex se sit defectibilis in actu primo, quia est ex nihilo, ut tamen deficiat in ordine morali facilis, & delectabiliter, requiritur us radicalis ejus defectibilitas per habitus vitorum compleatur.
36. Objicies quintò: Si virtus moralis attingeret per se primò moralitatem, specificaretur ab ea: Consequens est falsum: Ergo & Antecedens. Sequela Majoris patet, Minor probatur. Si virtus specificaretur à moralitate, deficiente ha-
- A jusmodi moralitate, deficeret pariter virtus. Sed hoc dici nequit, nam eadem caritas perseverat in patria, ubi tam non perseverat moralitas, defecta libertatis, quæ est ejus fundatum: Ergo, &c.
- Respondeo concessa Sequela, de virtute inesse morali, negando Minorem. Ad cuius probationem, nego etiam Minorem. Et ad ejus probationem dico quod charitas non perseverat in patria, sub ratione virtutis moralis, sed solum sub ratione virtutis Theologicae.

ARTICULUS III.

Quomodo virtus sit definenda?

- P**pter omnes virtutis definitiones, quæcum ex Philosopho, tum ex Patribus communiter deferuntur, ea est potissima, quam ex D. Augustini doctrina desumptam tradit Magister in 2. dist. 27. & defendit hic D. Thomas art. 4. quæ est hujusmodi: *Virtus est bona qualitas in mente, quæ recte vivitur, quæ nullus male uitatur, quem Deus in nobis sine nobis operatur.* In qua definitione qualitas tenet locum generis, reliqua vero particula explicant varias ejus differentias. Nec mirum esse debet quod haec definitio tradatur per genus remotissimum, quod est qualitas: quia huc modus definiendi, ut docetur in Logica, est legitimus, dummodo per alias particulas assignentur omnes differentiaz, usque ad infinitum, quod reputatur in proposito. Unde per primam particulam, *bona*, explicatur differentia virtutis à vicio, & aliis qualitatibus, quæ rem male disponunt. Per particulam, *mentis*, designatur subiectum virtutis, quod est potentia rationalis, vel essentialiter, vel participative, qualis est appetitus sensitivus, qui ut subiectum rationis, aliquid ex illa participat, & est subiectum virtutis, ut dicimus disputatione sequenti; & per hoc differt virtus ab omnibus qualitatibus pure corporalis, sive bonis, sive malis. Per particulam, *quæ recte vivitur*, virtus distinguitur à qualitatibus non operativis immediate, cujusmodi sunt pulchritudo & sanitas in corporalibus, in spiritualibus vero gratia habitualis, quæ immediate inheret substantiæ animæ: ly enim vivitur, significat in proposito operationem vitalem. Per illam particulam, *qua nemo male uitatur*, virtus differt ab illis habitibus & qualitatibus, quæ possunt ad malum vel falso inveniuntur, sive quibus aliquis potest bene vel male uti, cujusmodi sunt opinio, fides humana, character, & similia. Denum ultimæ particula, nempe *quam Deus in nobis sine nobis operatur*, convenienter solis virtutibus infusa per se: quia in eo distinguuntur ab acquisitis, quod istæ acquiruntur nobis operantibus, & activè ad earum acquisitionem concurrentibus; illæ vero sine nostro activo concursum producuntur in nobis, quamvis dispositivè ad earum receptionem per nostros actus Deo cooperemur. Unde si haec ultimæ particula tollantur, haec definitio convenit modo explicato omni virtutem intellectuali, & Theologicae, quam morali.
- E** Objicies primò: Haec definitio convenit dominis Spiritibus Sancti, secundum omnes suas partes; sunt enim qualitates bona, à Deo nobis infusa, quibus recte operamur, & quibus nemo potest male

malet ut patebit ex infra dicendis. Convenit etiam continentia, & perseverantia, residentibus in voluntate, ne a passionibus vincatur, quæ tamen, ut docet D. Thomas, verae virtutes non sunt. Denique convenit syndere, quæ nec virtus moralis est, nec intellectualis: Ergo non est legitimæ definitio.

Respondeo cum D. Thoma infra quest. 6. art. 1. ad 3. non definiri hic virtutem, secundum quod distinguuntur a donis, sed secundum rationem utrisque communem. Quod si velimus restringere definitionem ad virtutes, prout distinguuntur a donis, haec particula, quæ recte vivitur, intelligenda est de rectitudine vita, quæ accipiatur secundum regulam rationis: in hoc enim distinguuntur virtutes a donis, quod virtutes reddunt hominem mobilem à ratione, sive illum perficiunt ad sequendum dictamen rationis, per prudentiam perfectas; dona vero redundunt animam mobilem à Spiritu Sancto, sive disponunt ad sequendum motum & illustrationem extraordinariam Spiritus Sancti, qualis fuit in Beata Apollonia, dum se ulti in ignem pro iudeo martyrio paratum conjecit, majori Spiritus Sancti igne iustus accensa. Ad illud quod de continencia & perseverantia additur, dicendum eas non esse virtutes propriæ & simpliciter, quia non sunt principia operationis rectæ, perfectæ & compleæ rectitudine, cum non reducant passiones ad mediocritatem, sed cum illis valde immoderatis permaneant: unde illis non convenit definitio virtutis, in qua particula ista, quæ recte vivitur, intelligitur de completa & perfecta rectitudine. Quidam syndere, autem dico illam non esse quidem virtutem moralē, sed quid superius ad virtutes morales, & comparandi illas, sicut initium & radicem, esse tamen virtutem intellectualē; & sic non esse mirum, si definitio virtutis modo explicato illi conveniat.

Objicies secundò: Potest quis male uti virtute: Ergo illa male definitur, bona qualitas mentis, quæ recte vivitur, quæ nullus male utitur. Consequens patet, Antecedens probatur. Potest quis uti religionis virtute v.g. ad orandum propter vanam gloriam: Sed hoc est male uti virtute: Ergo, &c.

Confirmatur ex Augustino dicente in regula, superbiam bonis operibus insidiari; & ex Aristotle 2. Ethic. cap. 4. assente ea quæ sunt à virtutibus, licet sint justa & temperata, non tam semper fieri iusta & temperata.

Respondeo, cum D. Thoma h̄c art. 4. ad 5. posse aliquem male uti virtute tanquam objec̄to, non tanquam principio effectus: quamvis enim virtus non possit efficere actum malum, potest tamen quis, considerando virtutes quas acquisivit, ex illis superbire: & haec est mens D. Augustini. Cum vero quis ex vanâ gloria moveatur ad eliciendum actum virtutis, revera exercet actum malum, licet talis actus in estimatione hominum, qui de interiori non judicant, bonus videatur, & ab habitu virtutis elicitus, in quo sensu loquitur Aristotle: propterea etiam Deuteronom. 16. præcepit Deus ut iuste quod iustum est exequamur.

Dices: Non minus est de ratione virtutis intellectualis inclinare ad verum speculativum, vel practicum, quam moralis ad bonum morale: Sed hoc non obstante potest virtus intellectualis inclinare ad opus defectuosum, & pra-

sticè falsum: potest enim p̄sitor v.g. uti suā arte, ad pingendum cum aliquo defectu, vel Poëta ad condenda carmina defectuosa: Ergo similiter poterit virtus moralis ad actum moraliter malum concurrere.

Respondeo concessā Majori, negando Minorē. Ad cuius probationem dicendum, quod quamvis artifex utendo arte defectum aliquem committat, ad illum tamen reduplicative sumptum ars non concurrit, sed solum ad id quod in eius opere est bonum in genere artis. Ceterū aliquando optimus artifex de industria deficit, aut simul se desiccare, & in hac simularione artem maximē manifestat: unde ad hoc artificium appartenet defectuosum concurrere ars, sed non ad verum defectum, ut talem.

Addo, inter bonitatem artificialē & moralē notabile reperi discrīmen: nam bonitas artificialis, seu conformitas ad unam regulam artis, non destruitur propter defectum & de omnirūtatem ad aliam; quia in una & eadem arte sunt multæ & diversæ regulæ, quarum una non dependet ab alia. At vero bonitas moralis per quantumque malam circumstantiam tollitur, ut in Tractatu de moralitate actuum humanorū ostendimus: illa enim desumitur ex una regula, & uno iudicio prudentiae, quod non considerat actum humanum secundum aliquam rationem abstractam & præcisam, sed ut est hic & nunc omnibus suis circumstantiis veltus.

Prater definitionem virtutis jam explicata, & ex Augustino desumptam, tres alia circumferuntur. Prima traditur ab Aristotle 2. Ethic. cap. 6. his verbis: *Virtus est habitus, qui bonam facit habentem, & opus ejus bonum reddit.* In qua definitione explicatur duplex habitus virtutis: una quam dicit ad proprium subiectum, tа quā ejus forma, dum dicitur bonum habentem; & alia ad operationem tanquam ad proprium effectum dum additur, & *opus ejus bonum reddit:* & convenient non solum virtutibus moralibus & Theologicis, sed etiam suo modo virtutibus intellectualibus; quia etiam intellectuales inclinant ad opus bonum in suo ordine, nec possunt unquam ad falsum concurrere, ut ex supra dicit paret.

E Secunda habetur apud eundem Philosophum eodem loco, his verbis: *Virtus est habitus electivus, in mediocritate consistens, prout sapiens & prudens dictaverit.* Et ista definitio non convenit virtutibus Theologicis, nec intellectualibus, sed solum moralibus: virtutes enim intellectuales non sunt electivæ, cum electio sit solum in voluntate; virtutes vero Theologicæ non exigunt propriæ mediocritatem, ut infra explicabitur, sed solum morales, ut justitia, temperancia, & similes, quæ vel sicut circa obiectum medium inter duo extrema, excessum scilicet & defectum; ita tamen quod illud medium non intelligatur secundum rem, & non sit indivisibile & invariabile, sed secundum rationem, juxta exigentiam personæ, loci, & aliarum circumstantiarum: aliquando enim cibus v.g. qui est mediocris & temperatus respectu unius, est excedens & intemperatus respectu alterius, & propterea additur: *prout sapiens & prudens dictaverit.*

Tertia desumitur etiam ex Aristotle 3. Physic. 3. ubi virtus dicitur *Dispositio perfecti ad optimum,* id est dispositio constituens perfectum, seu complens potentiam in ordine ad actum elicien-

ciendum; nam per ly, optimum, intelligitur A actus, quia hic pertinet ad ultimum potentiaz complementum.



DISPUTATIO II.

De subjecto virtutum.

Ad questionem 66. D: Thome.

Certum est virtutes cum sint habitus immediae operativi, non in ipsa essentia animae, sed in eius potentia residere, ut probat D. Thomas hic art. 1. Constat etiam virtutes nec in membris exterioribus corporis, nec in potentia vegetativa, neque in sensibus externis subiectari posse: quia hujusmodi facultates non sunt indifferentes ad operandum bene vel male, sed omnino determinatae ad unum modum operandi, subindeque nullam secundum se habent difficultatem in exercendis propriis operationibus. Unde de quatuor solum potentia dubitari potest, utrum sint subiectum virtutis, nimirum de intellectu, de sensibus internis, de appetitu sensitivo, & de voluntate: de quibus breviter hic agendum est.

ARTICULUS PRIMUS.

Vtrum intellectus & sensus interni possint esse subiectum virtutum?

1. **N**otandum primum, intellectum posse confidari dupliciter: primo secundum se, seu secundum id quod ei competit ex propria linea: secundo ut subiectum motioni voluntatis, cuius proprium est mouere quoad exercitium intellectum, ceterasque potentias in ordine ad proprium objectum, quod est finis.
2. Notandum secundo, ex D. Thoma hic art. 3. duplicem solere distingui virtutem; unam quae est talis simpliciter, quae scilicet facit actum bonum simpliciter, & reddit simpliciter bonum habentem, neque solum dat facultatem bene operandi, sed etiam rectum usum illius: aliam vero quae est virtus tantum secundum quid; quia nec reddit bonum simpliciter habentem, nec dat bonum usum, sed duntaxat facultatem bene agendi. His praemissis, pro resolutione difficultatis proposita,
3. Dico primo, intellectum secundum se confidatum, esse subiectum virtutis; non tamen virtutis simpliciter, sed tantum virtutis secundum quid.
3. Prima pars patet: Virtus enim ponitur in illis potentia, quae sunt indifferentes ad diversum modum operandi circa proprium objectum, bene scilicet aut male, & quae secundum se habent difficultatem in exercendis propriis operationibus: Sed utrumque convenient intellectui secundum se considerato; ille enim est indifferens ad intelligendum bene vel male, seu ad attingendum objectum sub ratione veri vel falsi, & ad attingendum verum patitur difficultatem: Ergo in illo poni debet aliquis habitus, quo determinetur, inclinetur, & faciliter ad

A attingendum verum. Unde, ut infra dicemus, in intellectu speculativo dantur tres habitus, nimirum intelligentia, scientia, & sapientia, quibus disponitur, inclinatur, & determinatur ad attingendum verum immediatè & sine discursu, acq[ui]ui mediatae & cum discursu.

Secunda vero pars, quae asserit hujusmodi habitus in intellectu speculativo residentes, non esse virtutes simpliciter, sed tantum secundum quid, probatur duplaci ratione quam insinuat D. Thomas hic art. 3. Prima est: Virtus secundum quid est illa quae tribuit tantum facultatem bene operandi, non vero rectum usum illius, seu applicationem ejus in ordine ad finem honestum: Sed virtus recepta in intellectu secundum se considerato, & ut praevenit motionem voluntatis, tribuit solum facultatem bene operandi, puta scientia bene intelligendi, non vero rectum usum illius, seu applicationem actus in ordine ad finem honestum; quia cum finis honestus sit objecum voluntatis, nulla potest protest ad eum ordinare suum actum, nisi ex voluntatis motione: Ergo solum virtus secundum quid potest recipi in intellectu, secundum se considerato, & ut praevenit motionem voluntatis in ordine ad finem honestum.

Secunda ratio D. Thome est: Virtus simpliciter reddit habentem simpliciter bonum: Sed virtus intellectus secundum se simpliciter non reddit habentem simpliciter bonum: Ergo non est virtus simpliciter. Major patet, Minor probatur. Ex hoc enim quod aliquis habet scientiam Theologiae, vel Philosophiae v.g. non dicitur bonus simpliciter & absolutè, sed secundum quid, & cum addito, scilicet bonus Theologus, & bonus Philosophus: unde Theologus, sit peccator, denominatur simpliciter malus.

Dico secundo, intellectum, ut mobile à voluntate per affectum boni honesti & moralis, esse subiectum virtutis simpliciter. Ita S. Thomas articulo citato, & sequitur ex praecedenti conclusione. Habitus enim, qui nedium dant facultatem bene operandi, sed etiam rectum usum illius facultatis, sunt virtutes simpliciter: Atque habitus afficiens intellectum, ut mobile à voluntate per affectum boni honesti & moralis, dant nedium facultatem bene operandi, sed etiam rectum usum illius: Ergo sunt virtutes simpliciter. Major patet ex dictis in praecedenti conclusione. Minor vero probatur. Ex eo enim quod aliquis habitus afficit intellectum, ut mobile à voluntate ex affectu boni honesti & moralis, nedium reificat intellectum, sed etiam voluntatem moventem, & eam inclinat ad recte movendum: Sed hoc est dare rectum usum: Ergo, &c.

Conferatur: Virtus quae est in intellectu, ut mobile à voluntate per affectum boni honesti, tendit in bonum honestum & morale; quod est bonum simpliciter, & denominatur simpliciter bonum habentem: Ergo est virtus simpliciter: Ex quo

Inferes primo, prudentiam esse virtutem simpliciter, non vero fidem, vel artem. Nam prudenter afficit intellectum practicum, ut mobile ex amore boni honesti & moralis, licet enim tendat ad verum agibilem, tanquam ad rationem sub qua, ejus tamen ratio que est bonum morale, ut tale, vel est verum, non purè intellectuale, & speculativum, sed morale & practicum, quod